



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Athanasia. 27. Februarii.

urn:nbn:de:hbz:466:1-42032

Crucis præfectus est. Vtīmō Pontifex Gazæ inaugurate signo crucis pluviam è cælo supplex evocavit. infamem Veneris statuam dejecit, & Manichæam mulierem elinguem reddidit; probavitque hunc in crucem amorem ipsum Numen, quando lapsos in puteum tergeminos pueros salvos parentibus reddidit, & miraculosâ cruce insignitos. Illud ad posteros memorabile, cùm fana Gazæ nobilissima superstitioni paterent, neque demolitionem horum impetrare jam ab Arcadio posset, supplicasse PORPHYRIUM vix nato Theodosio, & cùm hic alieno nutu assensum præbuisset, votorum tandem potitum omnia Deorum templa destruxisse, Deo deinde aliud in Crucis formam ædificasse, & cineri suo, & famæ monumentum. Ex Metaphr.

Memento te et si de nihilo factum, non tamen de nihilo redemptum: sex diebus condidit Deus omnia, & te inter omnia: at vero per totos triginta annos operatus est salutem tuam in medio terra. O quantum laboravit sustinens carnis necessitatem. hostis tentationes! S. Bern. serm. 11. sup. Cant.

S. ATHANASIA. 27. Februario.

ATHANASIA ANDRONICVM suum junximus: injuriam facturi utrique si nunc demum divortium inter eos fecissemus, quos tot miracula junxerunt. Igitur Antiochiae agebant sanctissimi conjuges, opesque, quæ multæ illis erant, cum cælo communes habebant. Trientem primuna miseri, alterum viri religiosi auferebant, ultimus domesticis usibus cedebat. Heredes cùm binos sustulissent, placuit exinde castitati potius, quam liberis operam dare. Interē illos etiam uno die

cœlum

cælum rapuit. ATHANASIA, ut impotens ferè matrum dolor est, immoritura mortuis videbatur; sed Julianus martyr, in cuius templo liberorum manibus parentabat, docuit liberis cælum non invidere. Quin imò invidit, sed rectè, uterque parens; & ut eodem conniteretur, toto asse in miseros abjecto, in diversa cœnobia abiit. Iam anni iverant XII. cùm una ambos cupido incessit ad sacra Solymæ loca visendi. Itaque idem paulò post iter jungunt, & agnoscit ATHANASIA īrecognita (vix, quod tutius peregrinaretur, pudor induerat) ANDRONICVM suum. Salute datâ acceptaque iter silentio transfigitur. Inde regressos excipit eadem cello, alterosque XI. annos ANDRONICVS cum ATHANASIA habitat nescius novi conjugii. Virtum nempe crediderat. Et erat: mulierem tamen mors & schediasma ponè caput repertū prodidit. Igitur corpus palmis coronatum, & elatū triumphi speciem non funeris præbuit, diuque nihil aliud in ore omnium quam Femina monachus & monachus conjux fuit. Ex Surio.

Ideo nudi in seculo nascimur, nudi etiam ad Baptismi lauacrum accedimus, ut nudi quoque & expediti ad cali januam properemus. incongruum verò & absurdum est, ut quem nudū mater genuit, nudum suscipit Ecclesia, dives uelit intrare in celum. S. Max. serm. de S. Mich.

SS. LVPICINVS ET ROMANVS CC.

28. Febru ariy.

E Adem studia, & vitæ rationem eandem audies in LVPICINO, & ROMANO, ut meritò fratres credamus germanos fuisse. Ambo siquidem virgini-